

Headline	Kepentingan kewangan Islam		
MediaTitle	Utusan Sarawak		
Date	18 Oct 2019	Color	Full Color
Section	EKONOMI	Circulation	37,981
Page No	27	Readership	113,943
Language	Malay	ArticleSize	239 cm <sup>2</sup>
Journalist	N/A	AdValue	RM 2,227
Frequency	Daily (EM)	PR Value	RM 6,681



MENTERI di Jabatan Perdana Menteri Datuk Seri Dr Mujahid Yusof.



KUALA LUMPUR: Kewangan Islam kini semakin penting dan telah mengalami pengembangan ketara sejak beberapa tahun kebelakangan ini kerana ia dilaksanakan berdasarkan prinsip adil, saksama dan beretika yang membawa kepada kesejahteraan sosial.

Menteri di Jabatan Perdana Menteri Datuk Seri Dr Mujahid Yusof berkata prinsip Kewangan Islam adalah berteraskan keadilan sosial dan kemakmuran ekonomi serta menggalakkan aktiviti ekonomi mampu.

"Etika berkenaan bukan hanya terpakai kepada kehidupan peribadi umat Islam, tetapi juga dalam

semua aspek termasuk cara mereka menjalankan perniagaan. Prinsip tahap tinggi seperti memimpin manusia di muka bumi, integriti dan ikhlas menyediakan asas untuk kerangka etika perniagaan," katanya.

Beliau berkata demikian dalam ucapan pada majlis pelancaran Bicara Pelaburans ESG 2019 Bank Islam Malaysia Bhd di sini, semalam.

Mujahid juga berkata pengurusan dana Islam adalah berbandarandakan prinsip Kewangan Islam yang menzahirkan niat yang jelas untuk memenuhi keperluan kewangan peserta dengan penuh integriti, dan secara nyata, adil, boleh dipercayai dan amanah, dan pada masa yang sama memastikan pengagihan

kekayaan lebih saksama.

Sementara itu, ketika ditanya mengenai kenyataan Timbalan Menteri di Jabatan Perdana Menteri, Fuziah Salleh bahawa Lembaga Tabung Haji (TH) telah menjual saham dan harta berjumlah RM1.2 bilion sehingga 30 Jun lepas, beliau berkata ia berada di landasan yang betul.

"Itulah jawapan dia dan ini bermakna kita bergerak di landasan yang betul," katanya.

Semalam pada persidangan Dewan Rakyat, Fuziah dilaporkan berkata penjualan saham, instrumen kewangan dan harta itu telah menghasilkan keuntungan RM61 juta kepada TH. —BERNAMA

## Kepentingan kewangan Islam